









1614

BRIEF NARRE<sup>28</sup> *Jan 1612.*

# DV DIFFERENT

DE IVLLIERS, ENTRE

L'EMPEREV<sup>R</sup>, LE DVC

de Neubourg, & le Comte

Maurice de Nassau.



A PARIS,

Chez THOMAS MENART, en sa  
boutique, au bout du Pont neuf.

---

M. DC. XIV.

11111111

11111

Case

F

39

326

1617601

THE NEWSPAPER  
LIBRARY

*BRIEF NARRÉ DV DIFFERENT  
de Iulliers, entre l'Empereur, le Duc de  
Neubourg, & le Comte Maurice  
de Nassau.*



E feu Duc de Iulliers  
estant decedé, ses Pays  
& Seigneuries furent  
querellées par le Mar-  
quis de Brádebourg E-  
lecteur de l'Empire, & par le Duc de  
Neubourg, pour lesquels le feu Roy  
Henry le Grand s'estoit armé au cō-  
mencement de l'année 1610. Le mal-  
heureux coup d'un detestable par-  
ricide l'ayant osté de ce monde, au  
grand regret de son peuple, la Roy-  
ne son Espouse declarée Regente en  
France, entreprist la protection que  
le feu Roy son mary luy auoit lais-  
sée, & fit aduancer le Marechal de la  
Chatre avec le secours François, au  
moyen dequoy la ville de Iulliers

fut prise, & remise entre les mains dudit Sr. Mareſchal, les Catholiques de dedans ayans mieux aimé ſe rédre à vn Lieutenant du Roy Tres-Chreſtien, qu'aux Hollandois gens contraires à la Foy & Religion que leurs ayeulx leur auoient laiſſée iuſques alors. Il fut arreſté par la capitulation, que leſdits Catholiques auroiét exercice de leur Religion, & qu'il ne leur ſeroit meſfait en façon quelconque: mais on ne les laiſſa point long temps iouyr de ces promeſſes & conuentions: car le Comte Maurice de Naſſau s'en eſtant emparé, on y introduiſit la couſtume ordinaire des Caluinistes Puritains, qui eſt d'effacer toutes les marques de l'Egliſe Catholique, par tout où ils ſont les maiſtres. L'Empereur qui a vn tres-grand intérêt en ceſte vſurpation, avec les Archeueſques de Mayence, Coulogne & Treues Ele-



cteurs de l'Empire , l'Archiduc Albert Prince des Pays-bas, trouua fort mauuais que lon empietaſt ſi legerement dans les pays de l'Empire, & pource donna charge au Prince Ferdinand de Bauiere Archeueſque de Coulogne , & audit Sieur Archiduc de Flandres , de leuer des troupes en ſon nom, tant pour reprendre ledit Iuliers , que pour reprimer l'inſolence de certains rebelles & ſeditieux qui auoient excitez des troubles à Aix, & reſuſoient d'obeyr à ſa Maieſté Imperiale. Le Côte Maurice cependant fortifia Iuliers, la munit de viures & d'attirail de guerre, & y miſt vne groſſe garniſon ſoubs la charge du Comte Erneſte de Naſſau ſon couſin, & du Sieur de Chaſtillon maiſtre de camp d'un regiment François. Ce que voyans leſdits Princes Electeur & Archiduc, ils firent auſſi toſt battre

le tambour par leurs pays, & aduertirent les Roys de France & de la grãd Bretagne de leur dessein: lesquels cõsiderans la chose sans passion trouuerent tres-bonne la procedure de l'Empereur, & desdits Sieurs Princes, & leur promirent d'enuoyer quelques vns de leur Conseil vers les Estats de Hollande, pour tascher d'appaiser ceste querelle, & induire lesdits Estats de commander audit Comte Maurice d'abandonner ladite ville de Iulliers, & la remettre entre mains neutres iusqu'à ce que la cause fust decidée à la Chãbre de Spire, comme leurs Majestez Imperiale Tres-chrestienne, & de la grand Bretagne trouuerõt conuenir. Pendant lequel pour parler l'armée Imperiale commise entre les mains du Marquis Spinola; s'est tousiours maintenue avec prudence & discretion, ne faisant aucun oultrage aux

Prouinces vnies de Hollande: comme aussi lesdits Estats desdites Prouinces vnies n'ont faict aucun acte d'hostilité, ny rien attenté contre les Pays, terres, Seigneuries, & sujets dudit Sieur Archiduc, qui puisse en façon quelconque alterer ou donner sujet d'enfreindre le traicté de trefues de l'an 1609. Se retenant la dite armée Imperiale d'aller remettre Iulliers en liberté, tant que l'on voye ce que le Sieur de Refuge enuoyé de la part du Roy tres-Crestié aura negocié sur ceste affaire, que l'on croit debvoir reüssir heureusement pour le bien de la Chrestienté, & au contentement de ceux pour lesquels elle est en debat.

FIN.









